

ხელშეკრულება სახელმწიფო შესყიდვის შესახებ# 60-ჯ-217-1050

ქ. თბილისი

2017 წ. 08.06

I. მხარეები

წინამდებარე ხელშეკრულება დადებულია 2017 წლის 08.06, ერთი მხრივ სს „საქართველოს სახელმწიფო ელექტროსისტემას“ (შემდგომში „შემსყიდველი“), წარმოდგენილი მისი მმართველთა საბჭოს თავმჯდომარის თავმჯდომარის მოვალეობის შემსრულებლის გიორგი შარკოვის სახით და მეორეს მხრივ ინდ. მეწარმე „გია კოზოლაშვილი“ (შემდგომში „მიმწოდებელი“), წარმოდგენილი მისი დირექტორის გია კოზოლაშვილის სახით, რომლებიც მოქმედებენ საზოგადოების წესდებისა და მოქმედი კანონმდებლობის საფუძველზე.

II. ხელშეკრულების საგანი

2.1. „მიმწოდებელი“ ვალდებულია „შემსყიდველს“ მიაწოდოს საქონელი დანართი #1-ის (ფასების ცხრილი) და დანართი #2 (ტენიკური პირობა) შესაბამისად, (CPV კოდი: 34600000).

2.2 დანართი #1 (ფასების ცხრილი) და დანართი #2 (ტექნიკური პირობა) წარმოადგენს წინამდებარე ხელშეკრულების განუყოფელ ნაწილს.

III. საქონლის ღირებულება და ანგარიშსწორების პირობები

3.1 საქონლის საერთო ღირებულება განსაზღვრულია წინამდებარე ხელშეკრულების დანართი#1-ის (ფასების ცხრილი) შესაბამისად და შეადგენს 14 830 (თოთხმეტი ათას რვაას ოცდაათი) ლარს დღგ-ს გარეშე (შემდგომში – „ხელშეკრულების ღირებულება“), საქონლის ღირებულება ითვალისწინებს ყველა ხარჯს, მათ შორის საქონლის ტრანსპორტირების ხარჯს, „შემსყიდველის“ შემდეგ მისამართამდე: ქ. თბილისი, ნაკადულის ქ. #2, ქ/ს „ნავთლული-220“-ის ტერიტორია.

3.2 ანგარიშსწორება განხორციელდება ფაქტიურად მოწოდებულ საქონელზე მიღება-ჩაბარების აქტის გაფორმებიდან და სათანადო ანგარიშფაქტურის წარმოდგენიდან 8 (რვა) სამუშაო დღის განმავლობაში.

3.3 ანგარიშსწორება განხორციელდება ლარებში უნაღდო ანგარიშსწორების ფორმით.

IV. მხარეთა უფლება-მოვალეობები

4.1. „მიმწოდებელი“ მოვალეა:

4.1.1 გადასცეს „შემსყიდველს“ ნივთობრივი და უფლებრივი ნაკლისაგან თავისუფალი საქონელი (ექსპლუატაციაში არ მყოფი, ახალი) ხელშეკრულების გაფორმებიდან 60 (სამოცი) კალენდარულ დღეში. საქონლის მიწოდების ადგილია: ქ. თბილისი, ნაკადულის ქ. #2. ქ/ს „ნავთლული-220“-ის ტერიტორია.

4.1.2 საცხოვრებელი ვაგონის დამზადების პროცესში, ფარულ სამუშაოებს - იატაკის, ჭერის, კედლების მოწყობის სამუშაოებს აუცილებელია დაესწროს „შემსყიდველის“ წარმომადგენელი, ამიტომ „მიმწოდებელი“ ვალდებულია ამ სამუშაოების დაწყების დროს მოიწვიოს „შემსყიდველის“ წარმომადგენელი.

4.2. „შემსყიდველი“ მოვალეა:

4.2.1. ხელშეკრულებით გათვალისწინებული პირობების თანახმად გადაიხადოს მიწოდებული საქონლის ღირებულება;

4.2.2. შეამოწმოს საქონლის მდგომარეობა ვარგისიანობაზე;

4.2.3. წერილობით შეატყობინოს „მიმწოდებელს“ მიღების ან ექსპლუატაციის დროს საქონელზე შემჩნეული ნაკლის აღმოჩენისთანავე.

V. გარანტია

5.1. „მიმწოდებელი“ იძლევა გარანტიას, რომ მიწოდებული საქონელი მისი ექსპლუატაციის ნორმების დაცვის შემთხვევაში, არ გამოავლენს დეფექტებს.

5.2. შესაბამისი ექსპლუატაციის პირობებში „მიმწოდებლის“ მიერ მოწოდებულ საქონელზე საგარანტიო ვადა არის საცხოვრებელი ვაგონის ჰერმეტიულობაზე, შიდა მოწყობაზე, კარებზე, ფანჯრებზე, კონდენციონერზე და მაცივარზე 2 (ორი) წელს, მიღება-ჩაბარების აქტის გაფორმების დღიდან.

5.3. საგარანტიო ვადის განმავლობაში თუ გამოვლინდება რაიმე ხარვეზი ან შეუსაბამობა, „მიმწოდებელი“ ვალდებულია თავისი ხარჯებით გამოასწოროს ხარვეზი „შემსყიდველის“ წერილობითი შეტყობინების მიღებიდან 10 (ათი) კალენდარული დღის განმავლობაში, თუ ეს შეუძლებელია „მიმწოდებელმა“ „შემსყიდველის“ წერილობითი შეტყობინების მიღებიდან 60 (სამოცი) კალენდარული დღის განმავლობაში უნდა შეცვალოს საქონელი.

VI. მხარეთა პასუხისმგებლობა

6.1 „მიმწოდებლის“ მიზეზით საქონლის დაგვიანებით, არასრულად, ხარვეზით ან საერთოდ არ მიწოდების შემთხვევაში, „მიმწოდებელი“ მოვალეა გადაიხადოს პირგასამტეხლო მოუწოდებელი საქონლის ღირებულების 0,1%-ის ოდენობით, ყოველ ვადა გადაცილებულ დღეზე, ხარისხიანი საქონლის სრულად მიწოდების დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება.

6.2 ამ ხელშეკრულების 6.1 პუნქტით გათვალისწინებული პირგასამტეხლო „მიმწოდებელს“ გადასახდელად დაერიცხება აგრეთვე იმ შემთხვევაში, თუ მიმწოდებელი არ გამოასწორობს საგარანტიო პერიოდის განმავლობაში გამოვლენილ ხარვეზს ან არ შეცვლის საქონელს ამ ხელშეკრულებით საგარანტიო პერიოდში გამოვლენილი ხარვეზის გამოსწორებისთვის /საქონლის შეცვლისთვის დადგენილ ვადებში - შესატყვისი ვადის გასვლიდან ხარვეზის გამოსწორების/საქონლის შეცვლის დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება.

6.3 „შემსყიდველის“ მიერ ხელშეკრულებით გათვალისწინებული საქონლის ღირებულების ვადაგადაცილებით (არადროულად) გადახდის შემთხვევაში, „მიმწოდებელი“ უფლებამოსილია მოსთხოვოს „შემსყიდველს“ პირგასამტეხლოს გადახდა გადაუხდელი თანხის 0.1% ოდენობით ყოველ ვადა გადაცილებულ დღეზე წინამდებარე ხელშეკრულების შეწყვეტამდე, ან თანხის სრულად გადახდამდე, რომელი ვადაც უფრო ადრე დადგება.

6.4 ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება აანაზღაურონ მიყენებული ზარალი სრული მოცულობით საქართველოს კანონმდებლობით დადგენილი წესით. ზარალის ანაზღაურება ან მისი მოთხოვნა არ აჩერებს ამ მუხლით გათვალისწინებულ პირგასამტეხლოს დარიცხვას.

6.5 „შემსყიდველი“ უფლებამოსილია ფაქტიურად მიწოდებული საქონლის ღირებულების ანაზღაურებისას გამოქვითოს (შეამციროს ანაზღაურება) ამ მუხლით გათვალისწინებული და „მიმწოდებელზე“ დარიცხული პირგასამტეხლოს თანხა „მიმწოდებლისათვის“ გადასახდელი თანხის ოდენობიდან. აღნიშნული გამოქვითვა არ შეიძლება გახდეს „მიმწოდებლის“ მხრიდან „შემსყიდველისათვის“ 6.3 პუნქტით გათვალისწინებული პირგასამტეხლოს დარიცხვის საფუძველი.

VII. ხელშეკრულების შესრულების კონტროლი

7.1 „მიმწოდებელი“ ვალდებულია საკუთარი რესურსებით უზრუნველყოს „შემსყიდველი“ კონტროლის ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ „შემსყიდველი“ კონტროლის მიზნით გამოიყენებს

საკუთარ ან მოწვეულ პერსონალს, მისი შრომის ანაზღაურებას უზრუნველყოფს თვით „შემსყიდველი“.

7.2 „მიმწოდებელი“ ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

7.3 ამ მუხლის არც ერთი პუნქტი არ ათავისუფლებს „მიმწოდებელს“ მოცემული ხელშეკრულების ვალდებულებებისაგან.

7.4 ხელშეკრულების შესრულების კონტროლს „შემსყიდველის“ მხრიდან უზრუნველყოფს სს „საქართველოს სახელმწიფო ელექტროსისტემის“ ტრანსფორმატორების სარემონტო სამსახურის უფროსი ნოდარ გავაშელი.

7.5 კონტროლი განხორციელდება მოწოდებული საქონლის შესაბამისობით ხელშეკრულების პირობებთან.

VIII. ფორს-მაჟორი

8.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

8.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მათ შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით, ემბარგოს დაწესებით და სხვა, ფორს-მაჟორის არსებობის საკმარის დამადასტურებელ ცნობად მხარეები განიხილავენ შესაბამისი ქვეყნის სავაჭრო-სამრეწველო პალატის მიერ გაცემულ სათანადო ცნობას.

8.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

IX. ურთიერთობა მხარეებს შორის

9.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით, რომელიც ხელმოწერილი უნდა იყოს ხელმძღვანელობაზე ან /და წარმომადგენლობაზე უფლებამოსილი პირის მიერ. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელ. ფოსტით (წერილის სკანირებული ვარიანტი) ან ფაქსის გაგზავნის გზით, შემდგომში ორიგინალის მიწოდების პირობით.

9.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

X. ხელშეკრულების პირობების შეცვლა და/ან ვადამდე მოშლა

10.1 ამ ხელშეკრულებაში ნებისმიერი ცვლილება და/ან დამატება შეიძლება შეტანილი იქნეს მხარეთა წერილობითი შეთანხმების საფუძველზე.

10.2. ხელშეკრულება შეიძლება ვადამდე მოიშალოს:

10.2.1. მხარეთა შეთანხმებით;

10.2.2. ერთ-ერთი მხარის განცხადებით მეორე მხარის მიერ ხელშეკრულებით გათვალისწინებული პირობების არსებითად დარღვევის შემთხვევაში;

10.3 “შემსყიდველს” შეუძლია ხელშეკრულება ვადამდე შეწყვიტოს:

10.3.1. თუ “შემსყიდველისათვის” ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

10.3.2. “მიმწოდებლის” გაკოტრების შემთხვევაში;

10.3.3 თუ მისთვის ცნობილი გახდება, რომ “მიმწოდებლის” მიერ მოწოდებული ინფორმაცია ყალბი აღმოჩნდება, რაც წარმოადგენს შემსყიდველის მხრიდან მიმწოდებლის მიმართ ნდობის დაკარგვის საფუძველს.

10.3.4. საქართველოს კანონმდებლობით გათვალისწინებულ სხვა შემთხვევებში.

10.4 ამ მუხლის 10.3 პუნქტში მითითებულ შემთხვევებში “შემსყიდველი” ვალდებულია აუნაზღაუროს “მიმწოდებელს” ფაქტიურად მიწოდებული საქონლის ღირებულება.

10.5. სახელმწიფო შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა. ამასთან ასეთ შემთხვევაშიც დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა

XI. ხელშეკრულების შესრულების შეფერხება

11.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

11.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

XII. დავათა განხილვა

12.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

12.2 თუ ასეთი მოლაპარაკებების დაწყებიდან 30 (ოცდაათი) კალენდარული დღის განმავლობაში მხარეები ვერ შესძლებენ სადაო საკითხების შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს სასამართლოს.

XIII. შესყიდვის ობიექტის მიღება-ჩაბარების წესი

13.1 საქონლის მოწოდებისას “შემსყიდველის” მიერ წინამდებარე ხელშეკრულების 7.4 ქვეპუნქტით განსაზღვრული პირი ამოწმებს მოწოდებული საქონლის შესაბამისობას წინამდებარე ხელშეკრულების პირობებთან, ხარვეზების (წუნდების) არ არსებობის

შემთხვევაში ფორმდება მიღება-ჩაბარების აქტი ფაქტიურად მიღებული საქონლის მიხედვით „შემსყიდველსა“ და „მიმწოდებელს“ შორის.

13.2 მიღებულად ჩაითვლება მხარეთა შორის მიღება-ჩაბარების აქტის გაფორმებისთანავე. მიღება-ჩაბარების გაფორმების შემდგომ პასუხისგებლობა საქონელზე გადადის შემსყიდველზე.

XIV. ხელშეკრულების მოქმედების ვადები

14.1 ხელშეკრულება ძალაში შედის ორივე მხარის მიერ ხელმოწერისთანავე და მოქმედებს მხარეებს შორის ხელშეკრულებით გათვალისწინებული პირობების შესრულებამდე, მაგრამ არაუგვიანეს 2017 წლის 30 სექტემბრისა. ხოლო საგარანტიო ვალდებულებების ნაწილში საგარანტიო ვადის ბოლომდე.

XV. ხელშეკრულების სხვა პირობები

15.1 ხელშეკრულება შედგენილია ქართულ ენაზე ორ ეგზემპლარად და ყოველ მათგანს გააჩნია თანაბარი იურიდიული ძალა.

15.2 ამ ხელშეკრულებით გათვალისწინებულ შემთხვევებში, მხარეები მოქმედებენ საქართველოში მოქმედი კანონმდებლობის თანახმად.

15.3 წინამდებარე ხელშეკრულებით გათვალისწინებული პირობები შესასრულებლად სავალდებულოა მხარეთათვის და მათი შესაბამისი სამართალმემკვიდრეებისა და უფლებამონაცვლეთათვის. დაუშვებელია წინამდებარე ხელშეკრულებით გათვალისწინებული ვალდებულებების გადაცემა სხვა მხარისათვის მეორე მხარის წინასწარი წერილობითი თანხმობის გარეშე.

15.4 წინამდებარე ხელშეკრულებით გათვალისწინებული პირობები წარმოადგენს კონფიდენციალურ ინფორმაციას და არ უნდა მოხდეს მათი გამჟღავნება სხვა მხარისათვის, გარდა კანონმდებლობით გათვალისწინებული შემთხვევებისა.

15.5 წინამდებარე ხელშეკრულება დაიდო სახელმწიფო შესყიდვების შესახებ საქართველოს კანონის მე-3 მუხლის პირველი პუნქტის რ) ქვეპუნქტის შესაბამისად.

XVI. მხარეთა რეკვიზიტები

“შემსყიდველი”:

სს“საქართველოს სახელმწიფო
ელექტროსისტემა”
ქ. თბილისი, ბარათაშვილის ქ.#2

საიდ. კოდი: 204995176

ს/ს „თიბისი ბანკი“

ბანკის კოდი: TBCBGE 22

ანგარიშის №GE02TB0600000102467636

გიორგი შარკოვი
მმართველთა საბჭოს თავმჯდომარის
მოვალეობის შემსრულებელი

ბ.ა

“მიმწოდებელი”:

ინდ. მეწარმე „გია კოზოლაშვილი“

თბილისი, გლდან-ნაძალადევის რ-ნი,
ი.კაჭარავას ქ.#68ა ტელ.: 595 17 32 30

საიდ.კოდი 01004000780

სს „საქართველოს ბანკი“

ბანკის კოდი: BAGAGE22

ანგარიში №GE18BG0000000179437100

გია კოზოლაშვილი
ინდ. მეწარმე

ბ.ა

გ. კოზოლაშვილი

დანართი #1,
ფასების ცხრილი

#	საქონლის დასახელება	კლასიფიკატორის კოდი	წარმოშობის ქვეყანა/ მწარმოებელი კომპანია	განზ. ერთეული	რაოდენობა	ღირებულება დღგ-ს გარეშე (ლარი)
1	2	3	4	5	6	7
1.	საცხოვრებელი ვაგონი	81.00.00	საქართველო / ი. მ „გია კოზოლაშვილი“	ცალი	1	14 830

„ხელშეკრულების ღირებულება“ შეადგენს 14 830 (თოთხმეტი ათას რვაას ოცდაათი) ლარს
დღგ-ს გარეშე.

„შემსყიდველი“:

სს „საქართველოს სახელმწიფო
ელექტროსისტემა“

გიორგი შარკოვი
მმართველთა საბჭოს თავმჯდომარის
მოვალეობის შემსრულებელი
ბ.ა



„მიმწოდებელი“:

ინდ. მეწარმე „გია კოზოლაშვილი“

გია კოზოლაშვილი
ინდ. მეწარმე

გ. კოზოლაშვილი

ბ.ა

დანართი #2, ტექნიკური პირობა

#	საქონლის დასახელება	საქონლის ტექნიკური პარამეტრები (ძირითადი მახასიათებლები)	განზ.	რაოდ.
1	2	3	4	5
1	საცხოვრებელი ვაგონი	1. ვაგონი დამზადებული 20 ფუტიანი კონტეინერის (ე.წ. საზღვაო კონტეინერი), (გარეთა ზომები 6060 X 2440 X 2590) ბაზაზე. მისი რეკონსტრუქციის, კარების, 2 ფანჯრის და კონდენციონერის ღირებულების ამოჭრის და შიდა მოწყობის გზით. (თანდართული ნახაზისა და სურათის შესაბამისად). კონტეინერზე არსებული გვერდითი ქარხნული კარების გარეშე 2. კონტეინერის კარკასი არაკოროზირებული, წყალგაუმტარი, კედლები, იატაკი და სახურავი დაზიანებების გარეშე, შეღებილი ანტიკოროზიული ნაცრისფერი საღებავით. 3. შესასვლელი კარი - სიმაღლე 2მ. სიგანე 0,90მ. მეტალის, დათბუნული, ხელის და გასაღების საკეტით. 4. ფანჯრები - მეტალოპლასტმასის - ცალფრთიანი, მოსაბრუნ-გადასაწევი, ორმაგი მინით, 2 ცალი. 5. იატაკი - მასალა: ხე. სისქე: 30მმ. გაშალაშინებული ფიცარი, შიპით მიჭიმული, ზემოდან გადაკრული საყოფაცხოვრებო ლინოლეუმით. პერიმეტრზე პლინტუსებით. 6. ჭერი - ხის ლამფა, 12მმ. სისქის გაშალაშინებული ფიცარი, შიპით მიჭიმული, ზემოდან დათბუნული 50მმ. სისქის მინაბამბით. პერიმეტრზე პლინტუსებით. 7. კედლები - ЛДСП (ლამინირებული ДСП), შიგნიდან დათბუნული 50მმ. სისქის მინა ბამბით. 8. ელექტრო გაყვანილობა - შესვლაზე ცენტრალური ავტომატი 25ა., 2 ცალი სანათი ჭერზე, 1 ცალი გარე დაყენების ჩამრთველი, 4 ცალი გარე დაყენების როზეტი. სპილენძის ხისტი სადენი 1,5მმ² ნათურებზე, 2,5მმ² როზეტებზე. ვაგონში ელექტრო გაყვანილობა უნდა შესრულდეს ЛДСП-ს და ჭერის გარედან პლასტმასის არხებით. 9. კონდენციონერ-გამათბობელი (ზამთარი-ზაფხული) - იქნება გათვალისწინებული კონტეინერის ფართის და მოცულობის შესაბამისად. 10. ორსართულიანი რკინის საწოლი - საწოლის ზომები 2,0X0,8X1,5. 3მმ. ფანერებით და 2 ცალი ლეიბით. 11. მაცივარი - ორკამერიანი მაცივარი საყინულე. საერთო მოცულობა 240 – 260 ლიტრი	ცალი	1

შენიშვნა: მოსაწოდებული საქონელი უნდა იყოს ახალი, ექსპლუატაციაში არ მყოფი. თანდართული ნახაზისა და ფოტოს შესაბამისი.

„შემსყიდველი“:

სს „საქართველოს სახელმწიფო ელექტროსისტემა“

გიორგი შარკოვი
მმართველთა საბჭოს თავმჯდომარის მოვალეობის შემსრულებელი
ბ.ა




„მიმწოდებელი“:

ინდ. მეწარმე „გია კოზოლაშვილი“

გია კოზოლაშვილი
ინდ. მეწარმე
ბ.ა

გ. კოზოლაშვილი

საცხოვრებელი ვაგონის ნახაზი



საცხოვრებელი ვაგონის ფოტოსურათი

